

漢溪書法通釋

執筆卷第二

漢溪戈守智達夫纂著

同學周錫龍覲揚全恭

受業陸聲鐘大乾編次

書之為藝。通於射乎。禮內志正。外體直。然後持弓
矢。審固。持弓矢。審固。則射中矣。此誠懸心正筆正
之論也。心正筆正。則運用無勿正矣。故初學書者。
執筆為先。鬱岡齋曰。夢希元搜得右軍執筆圖。懸
腕者二。腕就几者一。又曰。能依其執筆。隨意所之。

略無滯礙。余稽其圖亦了無奇異。即撥鐙及平覆
二法也。法以撥鐙懸腕為上。平覆及就几者次之。
今觀晉代行楷書。用鋒四面力足固知非撥鐙懸
腕不能到也。降及唐代名公又以懸腕動肘難於
作楷。乃以左手枕之。謂之枕腕。蓋就几則指不寬
展。強作懸腕。又勢多散漫。故作枕腕以為懸腕之
漸耳。亦唯撥鐙及平覆有之。其握管撮管諸勢俱
無枕腕法也。自平覆以下諸勢於法不必皆古。於
各體書法亦有不盡合用者。然既經前輩稱述亦

不敢略焉。若夫王黃華之雙手齊下兩簡不同張。
鳳翔之左手橫書。道原不減於右。要是古人絕技。
非可學而能也。今繪圖法凡一十二勢。存之於左。
并論執筆一首。聊復紀其大者。且廣諸同好者。

松鉦法



灑者大指骨上節下端用力欲直如提千鈞

壓者捺食指著中節旁以上二指著力

鈞者鈞中指著指尖鈞筆令向下

揭者揭名指著指爪肉之際揭筆令向上

抵者名指揭筆中指抵住

拒者中指鈞筆名指拒之以上二指主轉運

導者小指引名指過右

送者小指送名指過左以上一指主牽過

盧攜曰腕須提起黏紙則輕重失準把筆淺深在去紙

遠近太遠則浮泛虛薄太近則搥鋒體重

林韞曰盧肇謂余曰子學我書但得其力耳殊不知用筆之力不在於力用於力筆死矣虛掌寔指指不入掌東西上下何所闕焉又曰我昔授教於韓吏部其法曰撥鐙今將授子子勿妄傳推挽撚曳是也法盡於此矣陳思曰鐙馬鐙也蓋以筆管著名指中指尖令圓活易轉動也執筆既直則虎口間圓活如馬鐙也足踏馬鐙淺則易於轉換手執筆亦欲其淺淺則易於撥動矣董道曰鄔融嘗問懷素撥鐙何如曰如人並乘鐙不相

犯刺鋒事密射如何曰不可言也

李後主煜曰書有七字法謂之撥鐙自衛夫人并鍾王傳授於歐顏褚陸流於此日非天賦其性口受要訣然後研功覃思則不能窮其奧妙安得不祕而寶之所謂法者撇壓鉤揭抵拒導送是也此字今有顏公真卿墨蹟尚存於世余恐來學者無所聞焉故聊記之

錢若水曰古之善書鮮有得筆法者唐陸希聲得之凡五字撇押鉤抵格用筆雙鉤則點畫道勁而盡妙矣謂之撥鐙法希聲常言昔二王皆傳此法自斯公以至陽

冰咸得之希聲授沙門誓光乃衍言江南後主得此法
書絕勁復增二字曰導送今待詔尹希古亦得之所書
遂為一時之絕李無惑工篆亦得其法查道始習篆患
其體勢柔弱希古教以此法仍雙鉤用筆經半年始熟
而篆體勁直甚佳


唐詩紀事曰昔二王皆傳撥鐙法至陽冰得之以授希
聲希聲授沙門誓光光後入為翰林供奉希聲猶未達
以詩寄誓光云筆下龍蛇似有神天池雷雨徧逡巡寄
言昔日不龜手應念江頭泝泝人誓光感其言特為引

薦

解縉曰。用筆之法。虛圓正緊。又曰。淺而堅。謂撥鐙令其和暢。勿使拘攣。真書去豪端一寸。行書二寸。草書三寸。掣三分而一分著紙勢。則有餘。掣一分而三分著紙勢。則不足。

徐璠曰。置筆於大指中節前。居動轉之際。指頭宜齊小指貼內。兼助為力。指自然寔。掌自然虛。今人置筆當節礙其轉動。拳指塞掌。絕其力勢。況執之愈急。愈滯而不通也。


撥鐙枕腕法



陳繹曾曰懸腕者懸著空中最有力今代惟鮮于郎中善懸腕書余問之瞑目伸臂曰膽膽膽提腕者肘著案而虛提手腕枕腕者以左手枕右手腕

徐渭曰近來有以左手搭卓上右手執筆按在左手背上則來往也覺通利腕亦覺能懸此則今日之懸腕也比之古法非矣然作小楷及中品字小草猶可大真大草必須高懸手腕如人立志要爭衡古人都須懸腕不宜從俗

平覆法



盧攜曰。用筆之法。拓大指。撮中指。斂第二指。拒名指。令掌心虛。如握卵。此大要也。

韓方明曰。昔歲學書。專求筆法。貞元十五年。授法於東海徐公璿。十七年。授法於清河崔公邈。其法平腕雙苞。虛掌。寔指。妙無以加也。


解縉曰。撥鐙以下。莫若平覆。此亦晉法。而宋元人頗尚之。其法雙鉤。雙挑。平腕覆掌。寔指。虛拳。是也。食指。中指。謂之雙鉤。名指。小指。謂之雙挑。掌覆故腕平。拳虛故指寔。其大較也。至若運用時。亦當參用撥鐙之法。

解

雲閣珍藏

執筆圖


平覆枕腕法



趙文敏曰古人動稱下筆有千仞之勢此必高提手腕而後能之然余嘗見東坡醉墨罔於鮮于太常家公跋尾云此余元豐七年作也同時題詠甚衆玩其執筆亦平覆之法兼以左手墊之

張敬孚曰楷書只虛掌轉腕不要懸臂氣力有限行草書即須懸腕筆勢無限


握管法



陳繹曾曰握管者四指中節握管沈著有力用書諧勅
勝疏


韓方明曰從頭指至小指以管於第一二指節中搦之
書圖幃用之提轉甚為恠異

單包法



吾衍曰。寫篆把筆。只須單鈎。却伸中指在下。夾襯方圓。平直。無有不可意矣。人多不得師傳。只如常把筆。所以字多欹斜。畫亦不能直。且字勢不活。若初學時。當虛手心。伸中指并二指於几上空畫。如此不拗。方可操筆。此說最要緊。


掩管法



陳繹曾曰：捻管者，大指與中三指捻管頭書之側立案。
左書長幅鈞字。鈞疑


黃伯思曰：流俗言作書皆欲聚指管端，真草俱用此法，乃善。余謂不然：筆長不過五寸，作草亦不過三寸，而真行彌近，若不問真草俱欲聚指管端，乃妄論也。今觀晉宋及唐人圖畫，執筆圖未嘗若此，可破俗之鄙說。捻管之法
但可書長幅大草，猶張長史以頭濡墨，豈有筆法而醒亦稱神草無一定也。若真行不可無指法矣。

揮管法



韓方明曰撮管謂以五指撮其管末。惟大草書或書圖
幃用之亦與拙管同也。又曰揅管亦名拙管。謂五指並
揅其管末。弔筆急疾無體之書。或起藁草用之。今世俗
多為五指揅管書。則全無筋骨。慎不可効也。


提斗法



韓方明曰提斗運肘作榜署法也與撮管略同斗大則後以一指拒之斗小則後以兩指拒之其法順易而逆難故不拒不可也。


趙宦光曰提斗書榜字即撮管法也撮管不可作小楷點畫多懈。

三指立異




文徵明曰李少卿嘗言我學書四十年今始有得然老
無益矣子其及目力壯時為之因極論書之要訣累數
千言凡運指凝思吮毫濡墨與字起落轉換大小向背
長短疎密高下疾徐莫不有法蓋公雖潛心古跡而所
自得為多當為國朝第一其尤妙能三指搦管虛腕疾
書令人莫能及也並方明訣中尤以雙指包管亦當五指
揭紙推導指法俗具也若但三指半執有何婉轉生動
之趣余故不敢阿衡山之所好

兩指立異



朱長文曰馮侃能書得二王之法然以兩指搗筆管而書凡過筆必兩爪跡可深一二分斯書札之異者也馮侃蜀士人

握拳亡異



嘉定汪昂作圖

韓方明曰。捻拳握管於掌中。懸腕以肘助力書之。或云起自諸葛。誕倚柱書。時雷霹柱裂。書亦不輟。當用壯氣率之。然非書家流所用也。後王僧虔用此法。蓋以異於人。故非本為也。近有張從申。郎中拙然而為。寔為世笑也。

執筆論

客有索余以執筆之法者。余差即其要略而言之。昔鍾太傅得蔡中郎筆法於韋誕。既盡其妙。苦其難以言傳也。曰。用筆者。天也。流美者。地也。非凡庸所知。然則初學之士。不知執筆於書。何從欲知執筆於古。何從。夫斲輪以斧。不言揮運之方。解牛用刀。難傳經首之會。固知繪圖執筆。古之陳迹。書之糟粕也。黃庭堅曰。字中有筆。如禪家句中有眼。又曰。古人學書。無他異。但能用筆耳。夫善用筆者。先能用心。心手相接。而

後心能轉腕。手能轉筆。指法生焉。腕之力由於肘。故肘下不可掣碍。指之力由於腕。故腕下尤貴空虛。掌者指之所以屈伸也。故虛如握卵。管者指之所以運掉也。故活如撥鐙。而或曰運指不若運腕。運腕不若運肘。夫運肘而不運腕。則腕滯。運腕而不運指。則指滯。故善運者。必使心忘於筆。手忘於書。心手忘情。書不妄想。是謂求之不得。考之則彰。要以合而成勢。非分而効功者也。若其腕轉抽毫。劍戟戰文場之技。淋漓濡翰。蛟龍拔學海之波。執使之下。要須或藏或露。

時正時偏。其躍鋒示利者。耀俗之書也。縱橫若鱗。輕湯若飄。蘋而終無收縮。齒毫存鈍者。掩飾之書也。柔轉若縈。蚓飛使如槁木。而一例模糊。執正而用正。泥古者。至於偃仰不分。向背無別。執偏而用偏。駭時者。故作半榮半枯。若卧若欹。四者交譏。盡美難觀。訣法云。筆正則鋒藏。筆偃則鋒出。一起一伏。一晦一明。而神奇出焉。故妙詣在乎兼資。而流弊由於偏執。用鋒之故也。用鋒既得。而後察其生死之際。形神氣局之間。筆前之構思。猶易字後之滿志。殊難夫。扁踞龍。

蟠猛勢生於峻刻。雲移花散。逸態在乎丰神。故知牢健為險澀之本。抑揚得婉媚之妙。然必調劑適均。事成大雅。豈其從我所好。而一切尚之故。剛勁峭削者。以骨勝也。迴護偃塞者。以筋勝也。膚革盈寧者。以肉勝也。純骨之弊。若篠竹之餘枯。枝純筋之弊。若古藤之欲卷。縮純肉之弊。則又擁腫支離。不可言矣。東坡詩云。顏公變法出新意。細筋入骨如秋鷹。張長史曰。多力豐筋者勝。無力無筋者病。誠以書之體要。骨格為先。骨格既立。而後筋絡以貫串之。肌膚以肥澤之。

尤欲體態渾涵。道逸間出道逸者。用筆之妙也。體圓而用方者。謂之道。體方而用圓者。謂之逸。善用骨者。力以適見。善用肉者。態以逸生。道則勁而疎。逸則柔而媚。相間生情。弊斯遠也。張懷瓘曰。以勁骨立形。以肌膚潤飾。正宜然耳。又聞緊執筆者。易道。緩執筆者。易媚。然衛夫人及梁武帝之餘論。有若緊勝於寬。云衛執筆遠而緊。意前筆後者。勝。而張敬玄及蘓米之恒。梁武云。執筆寬則字緩弱。而張敬玄及蘓米之恒。談又若寬能勝緊。張云。運腕不可太緊。緊則腕不能轉。不能轉。則字體或粗或細。上下不均。雖多用力。原來無當。蘓云。執筆無定法。要使虛而寬。米云。今人多寫大字時。用力捉筆。字愈無筋骨。

霽雲閣珍藏

神氣二說相違於法自一今觀少年作書易媚老成作書易道腕力之故也著意攻書者其腕力自進猶之秦缺策鍾岱之牡豈必言及實跨而懦夫胸喘膚汗不能從其後矣故曰淺而堅謂撥鐙義亦有取乎爾也。率更曰余嘗使指運而腕不知是故太虛之雲也大江之波也悠然而來浩然而逝豈可勉強為之耶且如老成之筆雖妍姿絕媚而終不輕挑初學者縱鼓努為道而却少渾樸一則用力而力未穩一則不用力而力自足漸進之候也且夫燕弧雖勁數發而

止捷翰驚飛且有窮蚤而及暮者康里巎巎曰趙學士日書萬字余一日能書三萬字未嘗以力倦而輟筆假使着力緊執必難為繼故執筆不可好奇但取適意適意則力生焉久用力而指不疲者莫善於撥鐙夫五指撮物孩童所知撥鐙撮管五指俱齊與撮物何異而鈎拒導送之法備焉故用力最實而可久平覆之法婉麗有餘而堅勁不足然其紆細繞指圓轉弄丸發筆安和持之久遠而不懈者於此無以尚之矣握管之法堅勁有餘而婉麗不足以其筆着中

節也。顧或偶然用之，頗有峻厲之規。及久任之，反成偏枯之疾。檀之有籜，櫨之餘酸，未可語於盡善也。撿管之法，楷不道潤，草不工穩，犬不沉着，小不停勻。然險怪猶狂，迅發疾走，逸蚪聯翩，揚驃急驟，以擬旭素，則大幅差可展焉。至於撮管之法，推拓無窮，小如覆匱，必具千仞之偉概，大可布席，能似尺素之安閒，以作草行，揮之得妙，以題榜署，展之勢全。三指單包，但可作篆。斯揚妙技，伊昔所希。他若立異之法，於古無宗，有一為之，孤標而不偶，或從和之，棄日而罔工。要

使如意指揮足以陶情適志必欲師心採擷一運轉而已難矜世炫俗亦何所取焉若夫隸取其捷篆取其遲相承之義也書法要錄曰八分則小篆之捷隸繁多得王次仲文簡略赴急捷之用甚喜遣使招之三徵不至始皇大怒使檻送之於道化為大鳥出在檻外翻然長引至於西山落二翻於山上草取其捷今謂大翻小翻山上有祠水旱祈焉楷取其遲變應之道也魏鶴山曰家貧不辦素食事真不暇則行行不暇則草書之正理也間有較於不及之語而特於草字行筆故為遲緩從而加馳騁以遂其較久之即欲稍急不可復得今法帖二王部中多告哀問疾家私徃還之書方其作時可謂急矣何不真而反草耶又其據也今楷書一筆不過三四字小不過五六

字而草書一筆或至連揮數行遲速不同也是故舒指知寸播肘知尋遠近之際緩急生焉故真一行二草三真如立故一行如行故二草如驟故三一步一移者冠裳玉佩纖悉必有其規故執之僅寸舒指之意也若驟若馳者雷擊星流蹂躪莫當其勢故執高三倍播肘之意也然真書過遲難求生活草書過捷少蘊藏要以二者相較合有準度故習書者執使有法運用有情偏正不遠濃纖各具不寬不猛有中

和之道焉不疾不徐得戰行之法焉於以躡芳躅攀

峻階模唐規返晉逸躋天寶之八傑追貞觀之四家
逶迤鍾張之門相羊王衛之後躋鋒則鎮岳觸彩則
流輝鳳尾開張翬羽不足以爲飾麟趾忠厚熊臂不
足以爲強學者苟欲婆娑術藝之場標榜風流之目
或亦有取於斯焉

運筆卷第三

漢溪戈守智達夫纂著

同學錢學洙魯淵全叅

受業陸聲鍾大乾編次

唐百官志曰太祖武德四年置脩文館於門下九年改曰弘文館貞觀元年詔京官職事五品以上子嗜書者二十四人隸館習書出禁經書法授之禁經云八法起於隸字之始自崔張鍾王傳授所用談於萬字而為本道之最又云昔逸少攻書多

載廿七年偏攻永字。以其脩八法之勢。能通一切字也。隋僧智永欲存王氏典型。以為百家法祖。故發其旨趣。授於虞祕監世南。自茲以後。轉相傳述。八法遂廣彰焉。

智永永字八法

側法第一

如鳥鵲然側

勒法第二

如勒馬之用

一
努法第三也用力

一
趯法第四趯音剔與躍同

一
策法第五如策馬之用鞭

一
掠法第六如篦之掠髮

解 漢溪書法通

卷三 永字八法

啄法第七

如鳥之啄物

磔法第八

磔音窄裂牲謂之磔筆鋒開張也

李北海曰永師舉用舊法非不能出新意求變態也然其意已洽於繩墨之外矣

顏真卿八誦

側蹲鴟而墜石

勒緩縱以藏機

努彎環而勢曲

趯峻快以如錐

策依稀而似勒

掠髣髴以宜肥

啄騰凌而速進

磔抑趙以遲移

柳宗元八法誦

側不愧卧

勒常患平

努過直而力敗

趯宜存而勢生

策仰收而暗揭

掠左出而鋒輕

啄倉皇而疾掩

磔遷趙以開張

陳思八法詳說

側不得平其筆當側筆就右為之

謂當顧右落筆

口訣云先

右揭其腕次輕蹲其銚取勢緊則乘機頓挫借勢出之

過則成俗重而為俗夫在顧不特

勢而側之從勁輕揭潛出務於勒也謂側下時其筆勢

內也

問曰側不言點而言側何也

論曰謂筆鋒顧右審其勢險而側之一點之中筆勢三折故曰險又高峰

之意故名側也止言點則不明顧右無存鋒謂下筆向

背向左右而轉相背故云向背墜墨之勢墨聚點心若左

顧右側則橫敵無力謂不能乘機頓挫而但顧左顧右

使水墨滋溢至於橫澗而不成點

也故側不險則失於鈍鈍則芒角隱而書之神格立矣
筆訣云側者側下其筆使墨精暗墜徐乃反揭俟其墨入紙
反揭則稜利矣

翰林密論云作點向左以中指斜頓向右以大指齊
頓作報荅勢便以中指挫鋒須收鋒在內按筆而收
之又取側下其筆含濡其鋒摩輪簇心然後收筆慎
在圓平禁經云點如利鑽鑊金是也

陳繹曾曰點之法無窮皆帶側勢蹲之首尾相顧自
成三過筆

書法三昧曰點之祖蹲鴟之勢此三過筆側法也起自中而末鋒自中出也

七字訣云凡撇之法蓋用大指捺作側當用大指抵收貴謹而重

二

勒不得卧其筆中高兩頭下以筆心壓之謂收筆下壓筆為之口訣云頭傍鋒仰策謂承其虛畫之勢而傍轉
不可卧
筆為之
頭下
次迅收及其收處又若一出揭筆仰策也
不擢而
暗收蓋勒筆迅收過搶而上者也
則鋒不先行暗收則不搶則圓薄而疎筆無

力矣不迅收則墨不入畫神隨筆曰東坡赤壁其跡在
恨非石刻夫勒筆鋒將及於紙將成須微進鋒微仰
策擡鋒而峻趨鋒迴趨也

問曰勒不言畫而言勒何也

論曰勒者趯筆而行謂管直也管直則趯承其虛畫下

筆作畫筆勢必先自右迴左其將及紙乃傍轉筆鋒取

其勁澀則功成矣今止言畫者慮在不趯一出便畫則

鋒拳而怯薄也夫勒者藉於監趯音歷趯趨側行貌趯則筆勁

澀亡其流滑微可稱工矣筆訣云策筆須勒仰筆覆收

準此則形勢自彰矣

陳繹曾曰勒畫之法上平中仰下偃空中達搶以殺

其力

搶飛掠也聚也俟其筆鋒既聚而迴勢飛掠之也

如勒馬之用韁也凡

尾提處觀其筆之燥濕何如燥則駐

如馬立作蹲踞如人蹲

捺

如人以手按物而捺之

而寔搶

筆著以補之不補其渴筆其次

蹲而不捺其次駐而不蹲其次提而不駐即寔搶之

濕則提起作空搶可也

又曰凡平畫忌如箕子終篇展玩不見橫畫始是書

法

七字訣云凡壓之法作橫畫用之乃中指運筆以筆

心壓者也二字訣曰截四字訣曰推皆此法也

書法三昧曰首尾皆低中高拱如覆舟樣故曰勒常

惠平智永虞世南上而鍾王多用篆法為畫歐褚而

下多用隸法為畫而勒之法不明

祕訣云橫畫須直入筆鋒直畫須橫入筆鋒不傳之

樞機也

一

勢不宜直其筆直則無力立筆左偃而下左偃則筆最

根近右

須有力又云須發勢而卷筆

謂轉展卷筆而下

若折骨而爭力

口訣云凡傍卷微曲感筆累走而進之

行故云感筆

直則衆勢失力

衆勢失力謂七筆之勢皆不相攝也

滯則神氣怯散夫勢

須折鋒顧右左

左在右也

潛趨張長史如負芒刺皆潛

法

輕挫其揭

起也

問曰畫者中心聚畫也

凡豎畫橫畫皆名為畫

今謂之勢何也

論曰勢者勢微勢曰勢在乎趨筆下行若直置其畫則

形圓勢質書之病也

一豎何所着力故勢以作勢而形

今左

筆訣云勢筆之法臨筆徐行近左引勢

將引其勢

以作趯勢不欲直直則無力矣

書法三昧曰努法初橫入筆向上行而少駐復引鋒下行勢須作凸胸而立至末復駐鋒向上

七字訣曰凡鈞之法作努暨用之亦中指運法蓋暨

必努貴戰而雄二字訣曰搜四字訣曰拖皆此法也

一

趯須蹲鋒得勢而出出則暗收又云前畫卷則別欽心

而出之謂於豎畫末處卷筆欽心而出也口訣云傍鋒其鋒若傍下而使趯處圓滿

有銀鈞輕揭輕輕起借勢謂借卷筆之勢勢不勁筆不挫則

意不深書之筆意盡在頓挫與挑一也鋒貴於澀出適期於倒收所謂欲挑還置也夫趯自努出潛鋒輕挫借勢而趯之

問曰凡字之出鋒謂之挑今謂之趯何也

論曰挑者語之小異而其體一也夫趯者筆鋒去而言

也趯自努畫收鋒堅筆潛勁借勢而趯之筆訣云即是

努筆下殺筆趯起是也所謂借勢而出後筆有力趯法

須挫推折及利如鋒又轉筆出鋒佇思消息謂筆意欲

筆消也則神蹤不墜矣

書法三昧曰蹲鋒上出借勢旁分

七字訣曰抵者名指運法作趯及諸戈用之趯法須

傍勢豎挫趯轉筆出鋒借勢趯之為環必郁潤而貴

盛鋒而緩轉盛鋒謂下殺筆緩轉謂傍鋒自下而上

厚鋒齊力
厚之美

刁

策須斫筆如斧之所斫攢鋒直下背發而仰收逆卷而

背發住處則則背斫仰策也仰策故兩頭高中以筆心

舉之筆心下仰舉謂之勒口訣云仰筆潛鋒以鱗勒之法

揭腕趯勢於右

謂佳筆潛鋒時一勒之揭腕而趯右也

潛鋒之要在畫

勢暗捷歸於右也

而不用重蹲重捺

則但暗中轉捷上言策之各自為畫者

夫策

仰鋒緊趯微勁偕勢峻顧於掠也

此言策之轉筆下掠故言仰策之峻乃注

意於掠也

問曰策一名折異畫

古隸畫名

今謂之策何也

論曰策之與畫理亦固殊仰策趯鋒輕擡而進故曰策

也若及紙便畫不務遲

不遲不滑向右背偃左仰者

此脩畫耳

脩畫言脩一畫而巳無體法也

筆訣云始築筆而仰策

築鼓也猶

言所徐轉筆而成形是也

書法三昧曰策法仰筆遞鋒輕擡而進有如鞭策之勢故言策不言勒也

唐太宗曰策者仰策仰收與勒不同

陳繹曾曰重提輕蹲圓鋒左出勢盡仰收欲其圓鋒左出故重

提但言勢盡仰收故輕蹲之如鞭之策馬力在着物處也

七字訣云揭者作策啄用之大指擡腕法也大抵策

須仰筆將盡勢暗裏潛鋒揭腕歸於右不言迴搶以起掠也若策

之獨自為啄須按筆蹲鋒旋盛於右借勢收鋒迅

擲旋左

才

掠者拂掠須迅其鋒左出而欲利又云微曲而下筆心

至卷處

謂鋒盡處筆心卷起不可

口訣云撇過謂之掠

過猶云遠也掠長而力勻到但言撇則意不暢訣法所謂十分疾過是也

借於策勢以輕駐

鋒

策畫盡處輕駐其鋒以掠勢筆力勻到不欲首重尾輕

右揭其腕加以迅出

輕駐之後便迅筆折下無停滯也

勢旋於左法在澀而勁意欲暢而婉

遲留則傷於緩滯

但求婉媚而無勁力則筆意拖踏而傷緩滯

夫側鋒左出

謂之掠

問曰掠一名分發

古隸撇名今稱為掠何也

論曰掠乃徐疾有準。隨手遣鋒。自左出。取勁險。盡而為節。發則一出。運用無的。故掠之精旨。可守。兵夫掠之筆。趣意欲留。而必勁。又孫過庭曰。遣不常速。明矣。留不常遲。遣不恒疾。停則留。行則遣。言不可遲速太。筆訣云。從策筆下。過掠者。行筆也。故引遣不恒疾。明之。左出而鋒利。不墜。則自然佳。王弼州曰。坡書撇法。多拂起。是右軍臨宣示表意。書法三昧曰。此乃斜針。而末鋒飛起也。但作斜則墜。飛起猶卷起。宜出鋒處。送筆力到而勻。不可半途撇出。則無力而瘦弱。

陳繹曾曰。點首撇尾。左出微仰。如篋之掠髮。

七字訣云導者作掠用之謂撚向懷中來中指運法

也

四字訣名撚即此法也

永

啄者如鳥之啄物也立筆下卷

卷綱之自上掩下者

須疾為勝又

云形似鳥獸卧斫斜發亦云卧筆疾卷右出口訣云左

向右之勢為卷啄

啄而云卷

力貫鋒末之意

按筆蹲鋒

潛感於左借

勢收鋒迅擲旋右須精險衄去之不可緩滯夫筆及紙

為啄在潛勒而啄之

言為啄者筆鋒及紙先自左入使其筆鋒潛藏如勒徐乃迅擲而啄

也

問曰撇之與啄同出異名何也

論曰撇者蒙俗之言啄者因勢而立故非妄飾貽誤學者啄用輕勁為勝去浮怯重體為工攻之淵源或不妄耳筆訣云啄筆速進勁若鐵石則勢成也啄用迴鋒滑故曰輕勁輕勁又易淺薄故必勁若鐵石

書法三昧曰其法下筆駐鋒後即出

七字訣云揭作策啄用之餘詳策下

永

磔者不徐不疾戰行戰行詩匪紹欲卷復駐而去之出

時又作一停是也又云懸筆戰行。腕筆轉下而出筆捺之口訣

云右送之波皆名磔。右揭其腕逐勢緊趯。筆勢漸重漸

也傍筆迅磔。謂開張其鋒而迅磔之也盡勢則輕揭暗收存勢候其

勢盡而磔之

問曰發波之筆。章草今謂之磔何也

論曰發波之發循古無蹤原其用筆磔勢為徑磔毫筆

過法存乎神而磔之義明矣。凡磔若左顧右則勢鈍矣。

謂磔首在左下筆時不可作迴鋒顧右顧右則磔之勢鈍矣懸重鋒緩則勢肥須道

勁而遲澀之凡險勁風骨泥滯存亡以法師心以志專

本則自然暗合旨趣矣。筆訣云：始入筆緊策而微仰，便下徐行勢足而後磔之。其筆或藏鋒或出鋒，由心所好也。

書法三昧曰：今人作磔多是兩駐，雖曰三過，其實不知此法也。其法首搶起。上言顧右則勢鉤此復言搶者蓋上搶也。不可顧右為不既自右而左矣。捺文顧右則兩筆相連如策之與掠矣。若云勇筆既盡復提鋒顧右轉左而捺之，豈得不鉤氣勢尤為隔絕之至也。故今人作捺多是兩駐，仰筆尖鋒而下也。上搶者乃承上啄疾下之勢，則鋒上搶而入，故筆勢正中駐而右行。末駐蹀鋒而出，如蘭葉之狀，皆含蓄而不露，最為高也。

陳繹曾曰偏蹲偏駐疾過緩出首尾自藏須先作上
豕取勢如裂帛力在裂外

七字訣云送者作磔用之謂揭向右邊去亦名指運
法也右送之波皆名磔貴險而濕波不險則肥鈍矣
四字訣名找亦此
也法

八法之勢由來言者鑿鑿矣然或臨池之功未至
則會心猶淺語簡而義不明言長而旨易失加以
仁者見仁智者見智會歸雖一入手則殊抑且南
北穢鄙不入大方晉唐諸公寬嚴易尚遂有間疑

稱疑得末行末鮑魚之肆翫其先入而已今錄古人所詳八法之勢要皆劈肌分理而無忝差異同之說尤慮厭旨深微難於融貫智復採取隱意摠括鴻詞提綱挈領著為八頌俾學者循而求之不失趨向云

顧右為側險側左出墜墨精瑩鏤金鐫刻橫敲則疎遲疑則溢潛揭而起引鋒在勒勒畫象陰精意竄深潛鋒出入胎篆之真如鑿過俗如錐過沉捷迴重壓妙轉筆心

為勢謂環着力微。右殺直注。左引旋還。勿槁勿腫。
勿狠勿孱。維何其則。且雄且閑。

挑毋過急。摧鋒似溜。引滿借勢。得不尚逸。削玉之姿。
範金之質。外朗內堅。聿為老筆。

策畫象陽。鉤銳挫鋸。昂舉奮筆。健不可降。輕舟入浪。
馳驤方驟。蘄然疾捷。用短勝長。

掠如掠髮。宛轉䟽越。入不矜持。出不倉猝。旆旆悠悠。
翰翰獵獵。琬琰芳華。內存丰骨。

啄筆疾卷。慎勿拘攣。迴左立入。捷右爭先。體勢須峻。

鋒刃須銛堅如鐵石。鵬擊矢穿。
捺筆張翺三顧五停。傍分入隸。裂帛斬釘。鍾王變勢。
抱陽負陰。不激不阿。穆然淵深。